

Ո Ր Ո Շ ՈՒ Մ

Ճանապարհային ոստիկանության վարչական իրավախախտումների վերաբերյալ գործերով
02.04.2023թ. թիվ ԱՆ077044 և ԱՆ077045 որոշումներն անփոփոխ, իսկ վարչական բողոքներն
առանց բավարարման թողնելու մասին

<< 17 >> 05 2023թ. 7-13- 4711

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս,
վերանայելով փաստաբան Սոֆյա Խառապյանի ՄԴ/31545-23 և ՄԴ/31546-23 բողոքների
քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Սարգիս Հովհաննիսյանի ներկայացուցիչ՝ փաստաբան Սոֆյա Խառապյանը
(ծանուցման հասցե՝ ք.Երևան, Նոր Նորք վարչական շրջան, Նանսենի փողոց, 20 շենք, 46
բնակարան, ծանուցման էլ.հասցեն՝ sofiaakharatyan95@gmail.com) ներկայացված բողոքներով խնդրել
է անվավեր ճանաչել վարչական իրավախախտումների վերաբերյալ գործերով 02.04.2023թ. թիվ
ԱՆ077044 և ԱՆ077045 որոշումները՝ նշելով, որ իր վստահորդի գործողություններում բացակայել
են իրավախախտումները:

Միաժամանակ դիմումատու խնդրել է բողոքը քննել իրենց բացակայությամբ, ինչպես նաև
տրամադրել վարչական վարույթում առկա բոլոր նյութերի պատճենները:

Բողոքների քննարկման արդյունքում պարզվել է, որ վարչական իրավախախտումների
վերաբերյալ գործերով վիճարկվող որոշումները ենթակա են կատարման հետևյալ
պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 24-րդ
հոդվածի 5-րդ մասի <<բ>> կետի համաձայն՝ մեխանիկական տրանսպորտային միջոցի վարորդը
պարտավոր է կառուցվածքով նախատեսված անվտանգության գոտիներով կահավորված
տրանսպորտային միջոցներով երթևեկելիս **լինել ամրակապված և չփոխադրել անվտանգության
գոտիներով չամրակապված ուղևորներին:**

Վարչական իրավախախտումների վերաբերյալ << օրենսգրքի 123.3-րդ հոդվածի համաձայն՝
տրանսպորտային միջոցների անվտանգության գոտիները չամրակապված կամ սաղավարտը
չկոճկած վիճակում կամ առանց սաղավարտի տրանսպորտային միջոցները վարելը, **ինչպես նաև
անվտանգության գոտիները չամրակապված** կամ սաղավարտը չկոճկած կամ առանց սաղավարտի
ուղևոր փոխադրելը առաջացնում են տուգանքի նշանակում՝ սահմանված նվազագույն
աշխատավարձի տասնապատիկի չափով, տուգանային միավորի կիրառում՝ 1 միավոր:

Ուսումնասիրությամբ պարզվել է, որ 02.04.2023թ. ժամը 18:25-ի սահմաններում Արմավիր
քաղաքի Շահումյան փողոցում քաղաքացի Սարգիս Հովհաննիսյանի վարած <<ՎԱԶ-21074>>
մակնիշի 35 AC 693 հաշվառման համարանիշի ավտոմոբիլը կանգնեցվել է Ճանապարհային
ոստիկանության ՃՊԾ 2-րդ սպայական գումարտակի 1-ին սպայական վաշտի 1-ին սպայական
դասակի տեսուչներ, ոստիկանության մայոր Ա.Զոհրաբյանի և ոստիկանության կապիտան
Լ.Զախարյանի կողմից՝ <<Ճանապարհային երթևեկության անվտանգության ապահովման մասին>>
օրենքի 24-րդ հոդվածի 5-րդ մասի <<բ>> կետի պահանջի խախտման համար, այն է՝ վարորդն
ավտոմոբիլը վարել է անվտանգության գոտիով չամրակապված վիճակում և փոխադրել

անվտանգության գործով չամրակապված ուղևորի: Վարչական իրավախախտումների վերաբերյալ ՀՀ օրենսգրքի 123.3-րդ հոդվածով կայացվել են վարչական իրավախախտումների վերաբերյալ գործերով թիվ ԱՆ077044 և ԱՆ077045 որոշումները:

Ճանապարհային ոստիկանության ծառայողները Ճանապարհային ոստիկանության վարչական բողոքների քննության բաժնում տված գրավոր բացատրություններում նշել են, որ քաղաքացի Սարգիս Հովհաննիսյանի կատարած իրավախախտումները հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումները եղել են անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ վարորդի ներկայությամբ և մասնակցությամբ կազմվել են համապատասխան վարչական իրավախախտումների վերաբերյալ արձանագրություններ և կայացվել են թիվ ԱՆ077044 և ԱՆ077045 որոշումները: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե՝ ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, կամ տրանսպորտային միջոցի ընթացքը կամ տեղափոխվող բեռը, կամ վարորդը կամ ուղևորներն իրենց վարքագծով ակնհայտորեն վտանգ են ստեղծում երթևեկության անվտանգության համար:

Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի վստահորդի արարքում առկա են Վարչական իրավախախտումների վերաբերյալ ՀՀ օրենսգրքի 123.3-րդ հոդվածի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտումների վերաբերյալ գործերով 02.04.2023թ. թիվ ԱՆ077044 և ԱՆ077045 որոշումները թողնել անփոփոխ, իսկ վարչական բողոքներն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան օրենքով սահմանված կարգով և ժամկետներում:
3. Սույն որոշման օրինակը, ինչպես նաև Ճանապարհային ոստիկանության ծառայողների բացատրությունների, վարչական իրավախախտումների վերաբերյալ արձանագրությունների և թիվ ԱՆ077044 և ԱՆ077045 որոշումների պատճեններն ուղարկել Սոֆյա Խառատյանին: Առդիր՝ <<6>> թերթ